

INUIT ATAQATIGIIT

Inatsisartuni



20. januar 2021

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

Naalakkersuisunut apeqqut:

1. Kigutit narlorsartariaqarnerannik kikkut neqeroorfigineqarsinnaanerannik meeqqani inuusuttunilu misissuinermi taamatut sulinissamut immikkut ilisimasalinnik Nunatsinni peqarpa, sumiiffinni kigutit nakorsaat suleqatigalugit taamatut sulisinnaasunik?
 - a. Taamaassimappat; meeqqat inuusuttullu kigutimik nalorsartariaqarnerannik pisariaqartitsisut sullinneqaneranni taakku ilisimasaat atorpeqarpat?
 - b. Taamaangippat tamatumunnga suna pissutaava?
2. Meeqqat inuusuttullu kigutimik nalorsarneqarnissaannik neqeroorfigineqartut pillugit sulinermi kigutigissaasunik immikkut ilisimasalinnik Nunatsinni peqarpa immikkut ilisimasalimmuut kigutit nakorsaannut aamma/imaluunniit sumiiffinni kigutit nakorsaannut ikuutaasinnaasunik?
 - a. Taamaassimappat; meeqqat inuusuttullu kigutimik nalorsarneqarnissaannik neqeroorfigineqartut sullinneqarnerani taakku ilisimasaat atorpeqarpat?
 - b. Taamaangippat tamatumunnga suna pissutaava?
3. Meeqqat inuusuttullu kingutaannik narlorsartariaqartunik sulinermi ilisimasalinnik misilittagalinnillu Nunatsinnut qanimut attuumassuteqartunik peqarpat taakkulu ilisimasaat misilittagaallu atorpeqangippata tamanna Naalakkersuisut qanoq isumaqarfigaat?
4. Meeqqat inuusuttullu kigutaannik narlorsartariaqartunik sulinermi avataaniit tikisitsilluni sulisussanik isumaginnittussanut angalanermut, najugaqarnermut ullormusiaqarnermullu 2021-mi aningaasartuutissat qanoq amerlatiginissaat Naalakkersuisut nalilerpaat?

(Inatsisartuni ilaasortaq Sofia Geisler, Inuit Ataqatigiit)

Tunngavilersuut:

Kigutit nalorsarneqartarnerisa 2021-imi aallarteqqinnissaanik Naalakkersuisut aalajangiinerannut qulaani apeqqutit aallaaveqarput.

Kissaatigivara apeqqutikka ullut suliffiusut qulit qaangiutinnginneranni akineqarnissaat.